

## **Jus Canonicum Practice Explicatum, Seu Decisiones Casuum**

Ad Singulos Decretalium Gregorii Papæ IX. Titulos, & ad consuetum  
Referendi modum accommodatæ. Opus Novum

Complectens alteram Decretalium medietatem, videlicet nonaginta duos  
Titulos, à Titulo XX. libri III. de Feudis usque ad finem

**Pichler, Vitus**

**Ingolstadii, 1734**

Decisio CXLII. De Viro es Hæresi Lutherana ad Catholicam Fidem reverso,  
& Matrimonium ob spirituale & carnale adulterium dissolvere cupiente.

---

[urn:nbn:de:hbz:466:1-62204](https://nbn-resolving.de/urn:nbn:de:hbz:466:1-62204)



# TITULUS XIX.

De Divortijs.

DECISIO CXLII.

De viro ex hæresi Lutherana ad Catholicam Fidem reverso, & Matrimonium ob spirituale & carnale adulterium dissolvere cupiente.

## SPECIES FACTI.

**V**ir primæ Nobilitatis, & officio militari præcipuo clarissimus, egregiusque dotibus animi & corporis praestans, illustrante & movente Divini Spiritus gratiâ, Lutheranis-

mum post maturam deliberationem abjuravit Catholica sacra professus, remanente interim coniuge pertinaciter in imbibita semel hæresi. Post conversionem viri, nescio qua de causa, cohabitatio mutua & conju-

LIT z galis

galis fuit diu interrupta, & vir dominicum vel quasi fixit in urbe haud multum quidem hinc dissita, multorum tamen dierum itinere ac valde remotâ à loco, in quo habitabat uxor. Quare vir hujus solitudinis & vitæ quasi cælibis, cui non erat assuetus, pertæsus cogitare coepit de dissolutione sui Matrimonij, quod non negabat uisse consummatum, quoad vinculum, aliamque thori consortem sibi jungere, ut ex hujusmodi causis apud Lutheranos facile permittitur; quia vero Catholicos hac in re sciebat difficiliores esse, sèpius consultationem instituit cum quodam Religioso in illa civitate ob doctrinæ famam & genij af-

fabilitatem percelebri; quem quoque instigavit, ut occasionem sibi faceret etiam me super hoc argumento disputantem audiendi; quam quoque nactus est, illo Religioso causas, propter quas fieri & permitti posset transitus ad alia vota, diligenter & ardenter proponente, præfertim propter causam adulterijum carnalis, cuius insinuabat suam conjugem, tum spiritualis, quod consistit in hæreti, in qua pertinaciter adhuc illa habebat.

## QUÆSTIO.

*An huius præcellentis viri Matrimonium  
dissolvi quoad vinculum  
possit?*

## Rationes dubitandi.

**R**eligiosus ille sic argumentabatur. Ipse Christus permisit uxorem dimittere propter ejus fornicationem, seu adulterium, atque aliam ducere, con sequenter dissolvere Matrimonium quoad vinculum:

lum; nam Christus *Math. 19. v. 9.* dixit: quicunque dimiserit uxorem suam, nisi fornicationem, & aliam duxerit, maxatur. similia docuit *Math. 5.* ergo a contrario, qui ob causam fornicationis vel adulterij dimittit uxorem suam, & aliam ducit, non maxatur, non adulterat. Neque verba Christi intelligi tantum possunt de dimissione quoad thorum, quia Iudei Christum interrogabant de omnimoda dissolutione, etiam quoad vinculum, Matrimonij: at quid hujus viri uxor commisit adulterium, si non carnale, uti tamen creditur, saltem spirituale, cum remaneat in heretico, quod in Jure eque paratur adulterio carnali in ordine ad dimissionem uxoris. *1. 6.* *17. b. t.* ergo. *2.* Plures Principes Christiani dimiserunt suas uxores propter hujusmodi causam, ut quidam Constantinus Imperator Irene, Carolus Crastus Richildem &c. sed ista non fuissent permitta ab Ecclesia, si licite & valide fieri non potuissent. *3.* Lutherani sine scrupulo permittunt marito uxorem dimittere ac aliam ducere propter adulterium, & pro casu, quo comparsum plectitur Religionem Catholicam; tunc enim permittunt alteri se separare, & aliud Matrimonium contrahere, maxime si ad Catholicos transgressus non cohabitetur remanenti in Lutherismo: ergo idem Catholicis licitum & quem est quasi iure Talionis. *4.* Lutherani non eo modo intendunt

contrahere Matrimonium, quo Catholici, nimurum in ratione Sacramenti & indissolubiliter, sed praecise in ratione contractus civilis, & solubiliter propter conjugis adulterium, absentiam, inobedientiam in reddendo debito conjugali, mutationem Religionis: ergo hujus viri Matrimonium patitur dissolutione quoad vinculum propter dictas causas, cum actus & contractus non operentur ultra intentionem contrahentium, & mensura obligationis in contractibus sit voluntas ac intentio se obligandi. Atque ex hac causa dicitur quidam Magnus Comes Catholicus ante paucos annos Romae licentiam obtinuisse relicta priore aliam ducendi conjugem. *5.* Saltem Pontifex dispensare cum isto viro poterit; quia in ejus potestate est dispensare in Matrimonio Rato: ergo etiam in Consummato, cum substantialiter non differant inter se Matrimonium Ratum & Consummatum: non enim concubitus, sed consensus facit Matrimonium. *1. 30.* ff. de R. *3.* Denique *6.* adduxit tex- tum S. Ambrosij relatum in *can. uxor 17. caus. 32. q. 7.* ubi S. Pater explicans verba Pauli *i. Cor. 7.* ubi mulier ab Apostolo prohibetur propter fornicationem viri alium ducere, sic ait: *ideo non subdit de viro, quod de uxore premisit, quia viro licet ducere aliam.* Similia habentur in *can. coniubij 23. d. caus. 6. q. item in can. si qua 6. caus. 31. q. 1.*

LII 3

R2

## Rationes decidendi.

**Q**uidquid autem sit de his, quæ infra examinabimus, Veritas Catholica est, in Scripturis Sacris & à Tridentino definita, quod Matrimonia Christianorum semper validè contracta, & consummata, sint quoad vinculum indissolubilia auctoritate humana, etiam Pontificis, licet contingat unum ex conjugibus adulterium committere; consequenter huic viro, vivente adhuc priori coniuge, non posse permitti transitum ad aliud Matrimonium ob impedimentum Ligaminis.

Inconclusa & irrefragabilis redditur hæc resolutio 1. ex Scriptura S. Novi Testamenti, ubi Christus Marci 10. v. 11, ait: quicunque dimiserit uxorem suam, & aliam duxerit, adulterium committit super eam. Et: si uxor dimiserit virum suum, & alii nupserit, mœchatur. Item Luc. 16. v. 18. Omnis, qui dimisit uxorem suam, & alteram ducit, mœchatur, & qui dimisam à viro ducit, mœchatur. Hi textos, quos Ecclesia de Matrimonio consummato intelligendos esse declarat c. 7. de Convers. Conjug. abolute, & præscindendo ab omni causa, etiam adulterii, nunquam dissolvi posse Matrimonium quoad vinculum clare indicant. Id quod Apostolus 1. Cor. 7. v. 10. 11. videtur ad-

huc magis declarare, dum ait: si, qui Matrimonio jundii sunt, præcipio non ego, sed Dominus, uxorem à viro non discedere: quodsi discesserit ( nempe ex justa causa adulterii à viro commissi; istud solum enim est justa causa divortium perpetuum quoad thorum instituendi ), manere innuptam, aut viro suo reconciliari. Si ex præcepto Domini, adeoque Jure Divino, debeat manere innupta, casu quo non reconciliatur viro, propter adulterium læso, & eam propterea dimittenti, utique manet vinculum Matrimoniale, & impedimentum ligaminis, dirimens Matrimonium cum alio. Confirmatur ex verbis Christi Matth. 19. v. 6. ubi de existentibus in Matrimonio loquens Christus diserte verat: Quod Deus conjunxit, homo non sépare.

2. Tridentinum Concilium, quod tanquam legitimū ac universale in suis definitionibus infallibile est, Sess. 24. can. 5. sic definit: Si quis dixerit, propter hæresim, aut multam cohabitationem, aut affectam absentiam à coniuge, dissolvi posse Matrimonii vinculum; anathema sit. Item can. 7. subseq. Si quis dixerit, Ecclesiam errare, can. docuit, & doceri, iuxta Evangeliam & Apostolicam doctrinam, propter adulterium alterius Conjugum Matrimonii vinculum non posse dissolvi. Et anathema sit.

¶ Ergo indubitate Religionis Catholicæ doctrina est, Matrimonium Consummatum nec propter adulterium carnale alterius conjugis, nec propter spirituale, seu hæresim, quod utrumque à Tridentino expressum est, nec propter aliam causam dissolvi quoad vinculum posse.

Confirmatur ex significatione Matrimonii Consummati, quam habet ex institutione sua & voluntate Christi juxta S. Paulum Eph. 6, 5. & communem Catholicorum inter-

## Diluuntur Objectiones.

A Dea, quæ Religiosus subornatus in speciem objecit, sic respondi, & hic iterum respondeo. Ad 1. Christus permisit quidem dissolutionem uxoris quoad thorum & cohabitationem propter ejus fornicationem seu adulterium, non vero dissolusionem quoad vinculum, ut evidenter probant textus & Tridentini definitiones, quibus nostram resolutionem irrefragabiliter firmavimus; imo etiam textus in contrarium allegatus ex Matth. c. 5. (idem procedit de altero textu, quo ad sensum & ordinem verborum prosus simili, ex Matth. c. 19.) nostram distinctionem haud obscurè approbat, si consideretur, ut oportet, ordo verborum; nam

interpretationem; significat enim coniunctionem Christi cum Ecclesia per assumptionem carnis humanæ (de eo enim loquitur Paulus, dicit autem c. 5. Ephes. Sacramentum hoc magnum est, ego autem dico, in Christo & in Ecclesia) Sed ista coniunctio Christi est perpetua & indissolubilis: ergo.

DS SC

Christus primum post verba, & aliam duxerit, posuit verbum mactatur, non post verba, quicunque dimiserit uxorem suam, nisi ob fornicationem: ex quo ordine verborum planissime insertur: ergo Christus permisit uxorem dimitti propter ejus fornicationem, non tamen permisit aliam duci: ergo concessit quidem dimissionem uxoris propter causam fornicationis, seu separationem quoad thorum, seu divorcium, etiam perpetuum, non tamen omnimodam dissolutionem vinculi Matrimonialis; alias enim non dixisset, virum mœchari seu adultereare, si aliam duxerit, & Matrimonii vinculum dissolvere posset. Imo ipse Christus c. 19. Matth. c. v. r. 8.

cla.

clarè in Novo Testamento sustulit libellum repudii, quo ipsum Matrimonii vinculum propter conjugis adulterium dissolvere auctoritate Divina Moyses indulserat Iudeis propter duritiam cordis eorum, uti & c. 5. Matth. cit. v. 32. ubi sic ordinavit: *Dictum est antiquis: quicunque dimiserit uxorem suam, det ei libellum repudii.* Ego autem dico vobis: *quia omnis, qui dimiserit uxorem &c.* ergo aliud ordinavit, quātū Moyses, circa dimissionem uxoris adulteræ sublatō libellō repudii. Ex quibus etiam corruit argumentum & illatio à contrario, utpote laborans falso suppositō, quod Christus verbum machatur posuerit post verba, quicunque dimiserit uxorem suam, nisi ob fornicationem. Permisit Christus dimittere uxorem quoad thorum propter fornicationem, & hoc bene insertur argumento à contrario, non vero dissolutionem Matrimonii quoad vinculum, quia cum mœchari dixit, qui aliam duxerit. Judæi duo interrogabant, unum, an liceat dimittere uxores, alterum, an propter quamcunque causam, id intelligendo de omnimoda dissolutione: Christus respondit ad utrumque, unum concessit, nempe dimissionem seu separationem perpetuam quoad thorum, sed solum propter causam fornicationis, non vero omnimodam dissolutionem, de qua loquebantur Judæi, alterum negavit, quod propter quamcunque causam

etiam liceat separationem seu divortium perpetuum instituere. Siquis objiciat Jus Civile antiquius, quod l. 1. 2. & alii si de divort. & l. 8. c. 4. repudi. permisit dissolutionem Matrimonii quoad vinculum vel multo tuo consensu conjugum, vel dato repudii libellō, prout Iudeis era permisum, nōesse debet, quod regulare Matrimonia, quæ in Nova Lege rationem habent Sacramenti, & ideo ad res Spirituales pertinent, ac de iis disponere nihil possit Princeps vel Magistratus Secularis, praesertim contra Scripturam S. & Ecclesiæ definitionem.

Ad 2. Exempla perversorum Principum Catholicorum quæ parvum, ac Legum Civilium ordinationes, aut Hæreticorum praxis & doctrina, Juri Divino & Catholicæ veritati prævalere possunt.

Ad 3. N. Conseq. Multa faciunt Catholicæ, quæ Catholicis imitari non licet, praesertim ubi S. Scriptura & dogma Catholicum repugnant.

Ad 4. Imprimis non ratio sacramentum, quam uirque Matrimonio negant moderni Sectarii, Matrimonium facit indissolubile, alias & Matrimonium Ratum esset indissolubile, sed Significatio Matrimonii, Institutio Divina, ac voluntas Christi. Dein eti Lutherani errore particuliari intendant contrahere Matrimonium solubiliter in ratione contrac̄tus mere Civilis juxta principia sue Sectæ, intentione tamen generali & im-

impicit tamdiu censendi sunt velle contrahere Matrimonium eo modo, quo Christus in Lege nova contrahi voluit, & inter Christianos validè initu potest, ut proles suæ sint legitimæ &c, quondiu nimirum clare non exprimit contrarium, vel de contraria ipsorum intentione non constat, cum nemo sit præsumendus tam malitiam habere voluntatem ac intentionem: sed intentionis generalis contrahendi validè, & ut Christus ordinavit, prævalet eorum errori particulari. Si tamen hanc intentionem generalem & implicitam non haberent, vel omnino contrariam, volendo nimirum absolute solubiliter contrahere, & suæ intentione intentioni alligarent suum consensum, Matrimonium utique foret solubile, vel potius nunquam verum & validum, utpote deficiens in aliquo substantiali, quod requiritus Divinum, immo & Naturale vi primæ vxoris institutionis Matrimonii. Atque si de tal intentione sufficienter constaret in foro externo, unice potestas aliam ducendi uxorem concedi posset. Et talis forsitan casus fuerit ille, de quo meminit obiectio, dum asseruit magno cuiusdam Comiti Romæ concessam esse facultatem aliud ineundi Matrimonium, vivente priori coniuge, utpote putativitatem tantum. Ad §. N. Contra. Nam Matrimonium Ratum non significat conjunctionem Christi cum Ecclesia, & unionem hypostata.

(R. P. Eichler Dicte, T. 2.)

ex vultu apparebat, subtristis; quia mortem in sua cruce permanit, &  
tamen bonus fuit Catholicus, de- ternam utique mercedem ha-  
stitit in sua intentione contrahendi biturus in Cœlo.  
aliud Matrimonium, & sic usque ad



## TITULUS XX.

De Donationibus inter viruin & uxo-  
rem, & Dote post Divortium resti-  
tuenda,

### DECISIO CXLIII.

De Vidua post mortem Mariti stu-  
prum admittente, cui propterea hæredes  
mariti renuunt restituere Dotem.

#### SPECIES FACTI.

**B**ertha Vidua post mortem Mariti luxuriosè vivere cœ-  
pit, & admisit stuprum ( sic  
vocatur concubitus cum Vir-  
gine, & Vidua, adulterium ver-  
cum conjugata commissus. Text. &  
Gloss. in l. inter §. 1, s. ad L. 1st, de  
adult.) quod delictum postquam in-